

СУВ РЕСУРСЛАРИДАН САМАРАЛИ ФОЙДАЛАНИШ – БАРҚАРОР ТАРАҚҚИЁТНИНГ МУҲИМ АСОСИ

Р.А. Мамутов - Қишлоқ ва сув ҳўжалиги вазирлиги сув ҳўжалиги объектларидан фойдаланиш ва капитал қурилиш бош бошқармаси бошлиғи

Ривожланишнинг бугунги босқичида мавжуд сув ресурсларини барқарор бошқариш ва улардан самарали фойдаланишни таъминлаш – бутун дунёда минтақалар ва мамлакатларнинг барқарор иқтисодий тараққиётининг муҳим асосини ташкил этувчи масалалардан бирига айланди. Мазкур масала бугунги кунда умумий фойдаланиётган сув ресурслари миқдорининг атиги 20% ўз ҳудудида шаклланиб, қолган 80% эса қўшни давлатлар ҳудудидан трансчегаравий дарёлар орқали катта харажатлар ҳисобига етказиб бериладиган мамлакатимизда ҳам ўта долзарб масала ҳисобланади. Яқин келажакда сувга ўсиб бораётган талабларни - сув ресурслари бошқарувини такомиллаштириш, улардан фойдаланишни оқилонлаштириш ва ички захираларни топиш ҳисобига қондириш мумкин. Шунинг учун чекланган сув ресурсларидан фойдаланиш самардорлигини ошириш бўйича республикада катт ҳажмдаги ишлар олиб борилмоқда. Қўйида мазкур йўналишда жорий йилнинг 9 ойи мобайнида амалга оширилган ишлар натижалари тахлили келтирилган.

Республика вилоятларида чекланган сув миқдоридан фойдаланиш. Жорий йилнинг 1 октябр ҳолатига барча сув омборларида **11076 млн.м³** сув захираси бўлиб, бу ўтган йилдагидан 2523 млн.м³ га кўп (2016 йилда 8553 млн.м³) ресурслари тўланишига эришилди.

Республика бўйича суғориш даврининг 1 октябргача суғоришга олинган сув миқдори 40970 млн.м³ ёки лимитга нисбатан 104 фоизни, ўтган 2016 йилга (39109 млн.м³) нисбатан 105 фоизни ташкил қилди. Олинган сув билан 19715 минг гектар майдонда суғориш ишлари олиб борилди. Шу жумладан 3956 минг гектар ғалла (2016 йилда 2781 минг гектар бўлган) ва 6175 минг гектар ғўза майдонлари суғорилди (2016 йилда 6038 минг гектар бўлган).

Шу билан бирга афсуски вилоятларда сув ресурсларидан оқилон ва мақсадли фойдаланишда айрим камчиликларга йўл қўйилган, жумладан ирригация тизимларидан сув олиш қоидаларини бузилиши, сувдан ҳўжасизларча фойдаланиш, сув ҳўжалиги объектларидан олинган сув миқдорини ҳисобини юритиш қоидаларига амал қилмаслик каби ҳолатлар аниқланиб, уларга нисбатан қонун доирасида белгиланган чоралар қўрилишига тўғри келди. Хусусан, мавсум давомида сув ва сувдан фойдаланиш борасидаги қонун-қоидаларни бузган айбдор шахсларга нисбатан Ўзбекистон Республикасининг Маъмурий Жавобгарлик тўғрисидаги Кодекси асосида **1414 та ҳолат** юзасидан тузилган баённомалар асосида **330,1 млн. сўм миқдорида жарима** расмийлаштирилиб, тўлиқ ундириб олинди.

Сув истеъмолчилари уюшмалари фаолияти. Бугунги кунда Республикаимизда жами **1503 та** сув истеъмолчилари уюшмалари (СИУ) мавжуд бўлиб, улар ирригация тизимларининг қўйи бўғинида умумий майдони 3,7 млн. гектар бўлган кўп минг сонли сув истеъмолчиларига, жумладан фермер ҳўжалиқларига сув ҳўжалиги хизматини кўрсатиб келмоқда.

СИУлар томонидан 2017 йил давомида сув истеъмолчиларига жами **64,2 млрд. сўмлик** хизмат курсатиш режалаштирилган. Жорий йилнинг 1 октябрга қадар республика сув ҳўжалиги ташкилотларининг ҳамкорлигида муайян мураккабликлар билан бўлсада 46,7 млрд. сўмлик сув хизматлари қўрсатилиши таъминланган. Бу масаладаги мураккабликларнинг энг асосий сабабларидан бир СИУлар хизмати учун тўловларнинг ўз вақтида таъминланмаслиги билан боғлиқ. Жумладан пахта-ғалла кредити ҳисобидан ажратилаётган маблағларнинг жойлардаги тижорат банклари томонидан ўз вақтида ҳамда тўлиқ ҳажмда СИУ-

лар ҳисоб-рақамларига тушириб берилмаётганлиги натижасида шу кунгача бор-йўғи **39,1 млрд. сўми** ёки қўрсатилган хизмат учун тегишли тўловлар **84 фоизи** миқдоридан (2016 йилда тўловлар 21,3 млрд. қўрсатилган хизматнинг 57 фоизи миқдоридан таъминланган) тўлаб берилган.

Ирригация тадбирлари. Вазирлик тизимидаги сув ҳўжалиги эксплуатация ташкилотлари (ИТХБ, ИТБ, МТБ, СО) томонидан, жорий йил 9 ойи давомида **3731 км** узунликдаги ҳўжалиқлараро суғориш тармоқлари тозаланди ва бунда **211 та** экскаватор ва бошқа машина-механизмлар жалб қилинди. Бу даврда **3879** дона гидротехник иншоотлар ҳамда **3383** дона гидропостлар таъмирланди.

СИУ ва фермер ҳўжалиқларининг **70613 км** масофадаги ҳўжалиқ ички суғориш ариқлари механизм ҳамда қўл кучи ёрдамида тозаланди, **11092 дона** гидротехник иншоотлар ва **13976 дона** гидропостлар таъмирланди, **18595 дона** сув олиш қулоқлари жиҳозланди.

Насос станциялари, энергетика ва алоқа бошқармалари томонидан амалга оширилган ишлар. 2017 йил 9 ой давомида вазирлик тасарруфидаги Насос станциялари, энергетика ва алоқа бошқармалари томонидан қўйидаги ишлар амалга оширилди:

- **Насос агрегатларини** 9 ойлик таъмирлаш режаси **1821 донани** ташкил қилиб, амалда 1925 дона таъмирланди ёки режага нисбатан **105,7 фоизга** бажарилди;

- **Суғориш қудуқларини** 9 ойлик таъмирлаш режаси **971 дона** суғориш қудуқларини таъмирлаш режалаштирилган бўлиб, амалда **1043 дона** суғориш қудуқлари таъмирланди ва **режа 107,4 фоизга** бажарилди;

- **Ички ҳўжалиқ насос агрегатларини** 9 ойлик таъмирлаш режаси **1262 донани** ташкил қилиб, амалда **1391 дона** таъмирланди ёки режага нисбатан **110,2 фоизга** бажарилди;

- Вазирлик тасарруфидаги сув ҳўжалиги ташкилотларига 2017 йил 9 ой учун белгиланган лимит **7064,11 млн кВт. соат** бўлиб, амалда **6910,47 млн кВт.соат** электроэнергия сарфланиб, **153,64 млн.кВт.соат** электроэнергия иқтисод қилинишига эришилди.

Суғориладиган ерларнинг мелиоратив ҳолатини яхшилаш жамғармаси маблағлари ҳисобидан мелиоратив объектларда амалга оширилган ишлар. **2017 йилда ерларнинг мелиоратив ҳолатини яхшилаш Давлат дастурининг ижроси бўйича** Ўзбекистон Республикаси Президентининг 2013 йил 19 апрелдаги “2013-2017 йиллар даврида суғориладиган ерларнинг мелиоратив ҳолатини янада яхшилаш ва сув ресурсларидан оқилон фойдаланиш чора-тадбирлари тўғрисида”ги ПҚ-1958-сонли қарорига асосан 2017 йилда **449,0 млрд.сўм** маблағ ажратилиши кўзда тутилган. Жумладан:

- реконструкция қилиш ва қуриш ишларига – **203,0 млрд.сўм;**

- таъмирлаш ва тиклаш ишларига – **209,0 млрд.сўм;**

- мелиоратив техникалар харид қилишга – **37,0 млрд.сўм** ни ташки этади.

Мелиоратив объектларни қуриш ва реконструкция қилиш тадбирлари. Мелиоратив объектларни қуриш ва реконструкция қилиш ишларига жорий йилда жами 203,0 млрд.сўм ажратилиб, тасдиқланган манзилли рўйхатга кўра жами 150 та устувор лойиҳаларда мелиоратив тадбирлар амалга оширилмоқда. Давлат дастури асосида жорий йилнинг 1 октябр ҳолатига жами **192,5 млрд.сўмлик** (йиллик режага нисбатан 78,3 %) мелиоратив тадбирлар амалга оширилди. Ушбу маблағлар ҳисобига:

- 777,2 км очик, 228,8 км ёпиқ-ётиқ коллектор-дренаж тармоқларини;

- 37 дона вертикал дренаж қудуғини;
- 2 дона мелиоратив насос станцияларни;
- 129 дона гидротехник иншоотларни;
- 120 дона кузатув қудуқларини **қуриш, реконструкция қилиш** ишлари амалга оширилиши кутилмоқда.

“Ўзмелиомашлизинг” давлат лизинг компанияси орқали замонавий мелиоратив техникалар харид қилиш учун 36,8 млрд.сўм маблағ йўналтирилди.

Мелиоратив объектларни таъмирлаш ва тиклаш тадбирлари. Мелиоратив объектларни тизимли таъмирлаш ва тиклаш ишларига жорий йилда жами **209,0 млрд.сўм** ажратилиб, тасдиқланган манзилли рўйхатга кўра, жами **265 та устувор** лойиҳаларда, шу жумладан, **43 та** йилдан йилга ўтувчи лойиҳаларда тизимли таъмирлаш-тиклаш ва авария-тиклаш ишлари амалга оширилмоқда. Ҳозирги кунда ушбу объектларда буюртмачи ва бош пудрат ташкилотлари ўртасида тегишли пудрат шартномалари расмийлаштирилиб, тасдиқланган тармоқ жадваллари асосида тизимли таъмирлаш-тиклаш ишлари бажарилди.

2017 йилнинг 1 октябрь ҳолатига жами **159,1 млрд.сўм** (графикка нисбатан **104%**, йиллик шартнома режага нисбатан **84%**) маблағ ўзлаштирилди. Ушбу маблағлар ҳисобига жами **13839,4 км** очик, **868 км** ёпиқ (прогнозга нисбатан **113%**) коллектор-дренаж тармоқ тозаланиб, **10 дона** мелиоратив насос станция, **613 дона** вертикал дренаж ва **733 дона** назорат қудуқ, **1300 дона** мелиоратив иншоотлар таъмирланди.

Тизимли таъмирлаш-тиклаш ишларини бажаришда **702 дона** мелиоратив техника ва механизмлар ҳамда **1640** нафардан ортиқ оператор ва муҳандис-техниклар жалб этилди.

Капитал қўйилмалар ҳисобига амалга оширилган ишлар. Ўзбекистон Республикаси Президентининг 2016 йил 23 декабрдаги “Ўзбекистон Республикасининг 2017 йилги Инвестиция дастури тўғрисида”ги ПҚ-2697-сонли қарорига асосан вазирликка жорий йилда **451 000,0 млн.сўм** капитал маблағ ажратилган, шу жумладан мақсадли равишда йирик муҳим сув ҳўжалиги объектлари қурилишига **215 000,0 млн.сўм** йўналтирилган. Кейинчали бу маблағ Вазирлар Маҳкамасининг 2017 йил 3 июлдаги 703-Ф-сонли фармойишига асосан 8,0 млрд.сўмга камайтирилган.

Жорий йилда жами **169 та** устувор лойиҳаларда, шу жумладан 73 та йилдан йилга ўтувчи ва 96 янгидан бошланувчи лойиҳаларда қурилиш-монтаж ишлари олиб борилмоқда. Ушбу объектларга белгиланган тартибда пудрат шартномалари расмийлаштирилиб, молиялаштириш очилган.

2017 йил 1 октябрь ҳолатига **361,5 млрд.сўм** капитал маблағ ўзлаштирилди, тасдиқланган графикка нисбатан **101 фоизга**, йиллик ажратилган лимитга нисбатан эса **82 фоизга** бажарилди. Ушбу маблағлар ҳисобига **337,8 км** умумий узунликдаги каналлар, **56,6 км** узунликда лоток тармоқлари, **19 дона** гидротехник иншоотлари, насос станцияларнинг **8,32 км** узунликдаги босимли қувурларида қуриш ва реконструкция ишлари бажарилди. Шунингдек, Хитой Халқ Республикасининг грант маблағлари ҳисобидан олиб келинаётган **20 дона** земснарядлар учун **50,3 км** узунликда ташқи электр ўтказиш тармоқлари қурилди.

Жорий йилда Республика бўйича жами **169 та** лойиҳалар доирасида **419,0 км** умумий узунликдаги каналлар, **108,9 км** узунликда лоток тармоқлари, **78 дона** гидротехник иншоотлари, насос станцияларнинг **15,0 км** узунликдаги босимли қувурлари, **14,0 м³/сек.** қувватли насос станцияларини қуриш ва реконструкция қилиш ишларини амалга оширилиш режалаштирилган.

Амалга ошириладиган тадбирлар натижасида республикадаги **277,2 минг** гектар ер майдонларининг сув таъминоти яхшиланишига эришилди.

Хорижий инвестиция лойиҳалари бўйича олиб берилган ишлар. Ўзбекистон Республикаси Президентининг 2016 йил 23 декабрдаги “Ўзбекистон Республикасининг

2017 йилги Инвестиция дастури тўғрисида”ги ПҚ-2697-сонли қарори асосида Қишлоқ ва сув ҳўжалиги вазирлиги тизимида **11 та** лойиҳа бўйича ишлар амалга оширилиши режалаштирилган. Ҳукумат кафолати остида амалга оширилаётган мазкур 11 та лойиҳаларнинг жорий йил январь-сентябрь ойлари учун белгиланган маблағ ўзлаштириш режаси **130,20 млн.АҚШ долларини** ташкил этиб, амалда **130,22 млн.АҚШ доллари (100%)** ўзлаштирилди.

Саноат маҳсулотларини ишлаб чиқариш. Вазирлик тизимидаги саноат корхоналари томонидан **36360,2 млн.сўмлик** саноат маҳсулотлари ишлаб чиқарилиб, ўтган йилнинг шу даврига нисбатан ўсиш суръати **108,1 фоизни** ташкил этди. Ҳисобот даврида **718 дона** насос агрегатлари, **36 дона** электродвигатель, **9,9 минг м³** йиғма темир бетон буюмлари, **73,6 минг м³** норуда материаллари ишлаб чиқарилди.

Маҳаллийлаштириш Дастури ижроси: Ўзбекистон Республикаси Президентининг 2016 йил 26 декабрдаги ПҚ-2698-сонли “2017–2019 йилларда тайёр маҳсулотлар, бутловчи буюм ва материаллар ишлаб чиқаришни маҳаллийлаштириш Дастури тўғрисида”ги қарори билан Дастурга киритилган лойиҳалар бўйича тармоқ жадвали ишлаб чиқилди.

Ушбу қарорлар бўйича қабул қилинган дастур доирасида 2017 йил 9 ойи давомида **4 дона** Д2500-62 русумдаги насослар, **2 дона** 10Э20М.32.1 русумдаги земснаряд, **1 дона** конвекцион қуёш станцияси ҳамда **5 дона** мембран насослари ишлаб чиқарилиши—умумий қиймати **6 084,2 млн.сўмни** ташкил қилиши, прогноз **100,0 фоизга** бажарилди.

X - Халқаро саноат ярмаркаси ва Кооперация биржасида тизимдаги корхона ва ташкилотлар томонидан мамлакатимиз саноат корхоналаридан 2017 йилда маҳсулот харид қилиш бўйича умумий қиймати **116683,3 млн.сўмлик**, экспортга маҳсулот чиқариш бўйича **3865,3** минг АҚШ доллари миқдорида шартномалар тузилди. Мазкур шартномаларга асосан **90 775,2 млн.сўмлик** маҳсулотлар харид қилиниб, график **103,6 фоизга**, экспорт шартномалари бўйича **2 517,7 минг** АҚШ доллари миқдорида маҳсулотлар экспорт қилинишига эришилди. Бундан ташқари, Сув ҳўжалиги тизим ташкилотлари томонидан ёрдамчи ҳўжаликларда етиштирилган маҳсулотлардан **330,0** минг АҚШ доллари миқдорида экспорт қилинишига эришилди.

Сув ҳўжалиги ташкилотларига ажратилган бюджет маблағларининг ўзлаштирилиши. Вазирлик тасарруфидаги сув ҳўжалиги эксплуатация ташкилотларига 2017 йилнинг 9 ойида жами **2 055,2 млрд.сўм** миқдорида бюджет маблағлари ажратилган бўлиб, шундан **336,1 млрд. сўми** иш ҳақи ва унга тенглаштирилган тўловлар, **85,3 млрд.сўми** иш берувчининг ажратмалари, **1 391,8 млрд.сўми** электр энергияси харажатлари, **209,1 млрд.сўми** жорий ва капитал таъмирлаш, механизмлар ёрдамида тозалаш ва бошқа эксплуатация харажатларини ташкил этади.

Шу билан бирга, Туркменистон ерларидан фойдаланганлик учун тўловларга **32,5 млрд. сўм**, Ирригация ва дренаж бўйича миллий қўмитасига **90,0 млн.сўм** ҳамда Инвестиция лойиҳаларини амалга ошириш гуруҳлари учун **354,5 млн.сўмлик** маблағлар ажратилди.

2017 йилнинг 1 октябрь ҳолатига сув ҳўжалиги эксплуатация ташкилотларида бошқа харажатлар бўйича кутилаётган дебиторлик қарздорлиги **74,7 млрд.сўмни** (шундан **66,4** млрд. сўми электр энергиясида) ва кутилаётган кредиторлик қарздорлиги **4,9 млрд.сўмни** ташкил этмоқда.

Шундай қилиб, республикада мавжуд чекланган сув миқдоридан фойдаланиш ва уни ташкил этиш билан боғлиқ ишлар кўламининг белгиланган параметрлар даражасида тўлиқ бажарилиши таъминланмоқда. Бу борада нозик бўғинлардан бири сув истеъмолчилари даражасидаги ишлар, айниқса СИУлар фаолиятини такомиллаштириш масаласи бўлиб, уларнинг салоҳияти, энг аввало молиявий таъминоти билан боғлиқ масалалар алоҳида эътиборни талаб этади.